

廣西名勝志卷之七

閩中曹學佺能始撰

潯州府

在省城東南九百里

領縣三

江曰潯江東城門曰潯陽郡名取焉唐太宗所置也貞觀十三年廢屬贛州旋復置至今沿之潯江在府城東潯水自城北潯水自城南至此合流東下蒼梧入海城南十里有羅葉水又五里為潯水城北三十里有都耶水東北五十里之大隍水西南五十里之繡江者入焉按志潯水出曠野中怪石甃其旁水泉深碧中有巨魚人以為神不敢

采捕繡江與橫眉水合流湛碧如繡即唐置繡州處唐曹唐潯江紀遊盡興南遊卒未迴水工舟子不須催正思碧樹關心句難放紅螺蘸甲杯漲海潮生陰火滅蒼梧風煖瘴雲開蘆花寂寂月如練何處笛聲江上來嶺右遷客錄云唐韋侍價宰相挺之子也以得罪流放繡州誅歌之聲達于戶外宋胡旦渤海人淳化中知制誥坐王繼恩累謫潯州旦以狀元進身雖在謫所著書得三百餘卷嘗鑿大硯方五六尺刻記云胡旦修春秋硯趙子松宋宗室也號鑑湖居士建炎初貶贛州

未幾放令自便值道梗未能歸寓居於潯先是宣
 和間館職有謂子崧曰夜夢帝勅公為白石洞天
 主去後子崧竟沒於潯 曾幾贛州人號茶山居
 士建炎初避地於潯嘗有詩云鷄犬圖書同一舸
 老夫蕩漿兒扶柁潯江一繫欲生根夢下湖南向
 江左 陳翥延平人璣曾孫也慶元間為潯州守
 璣故遷雷康寓于潯士大夫高之刻高宗賜正篆
 手勅于碑以風後學 魏濟西事珥云舊傳潯州
 官圃有婆羅樹一株甚巨每枝生葉七片有花穗
 甚長而黃秋後結實如栗可食唐李邕進婆羅樹
 狀云此樹不庇凡草不止惡禽如得託根長樂擢
 穎建章布葉重陰比月中之丹桂連枝接影對天
 上之白榆東瘳則青郊若而歲不稔西茂則白藏
 泰而秋有成蓋異種也佛書一曰菩提樹一曰婆
 羅樹云 禹卿又云予鈎枝至潯時已近午節署
 階前列菊二盆開花甚盛詢之云郝學博齋頭數
 十盆獨此二盆忽花非常種也異之為賦一詩云
 五月能開九月花最憐夫日有寒葩閒看籬槿休
 爭麗靜伴畦蘭併茁芽傍節未須愁乏酒落英還
 取弔懷沙從來仙種多靈幻不與人間管歲華

銅梁張佳胤左江道參政也城北有馬氏園頗稱幽勝肖甫時過之作詩云第宅西偏好林園十畝開花名詢矣譜禽語隔江來愛竹沿幽徑班荆席古苔殊方懷土意賴此得徘徊 郡守陳紹功晉江人題郡圃之卧齋種蔬蔣卉各四絕今錄其半云堂參罷設景蕭疎日費公家五斗儲將母不求甘旨奉親栽隙地有佳蔬 又閉戶脩然不看書朝來彈缺食無魚呼童且共灌園去不着衣冠即野夫 又郡齋半畝即花田煙雨來時翠色鮮更有清香數滿座傳須睡鴨噴沈烟 又手栽花木滿欄干

山鳥偷窺下羽翰解得此時同樂意留芳更與後人看

桂平縣 附郭

本漢布山縣屬鬱林郡唐頌字德雅番禺人為布山令寬和為理卒之日人祀之梁置桂平郡隋郡廢於布山縣地置桂平縣屬尹州後屬鬱林郡唐武德間屬貴州貞觀初屬燕州七年始屬潯州十二年州廢屬龔州又省陵江縣入焉後復置潯州而縣屬之相沿至今 按貴州即今府屬之貴縣也尹州在其縣南龔州設平南縣龔江燕州去今

治西六十五里廢陵江縣在桂平之崇江里 縣境羅繡里有廢羅繡縣武平里有廢武平縣常平鄉有廢常平縣城隍井市俱存又有廢皇化縣本漢阿林縣地清改皇化宋時省入南 南湖城在延袤二里中有洲洲上有平波南浦兩亭 銅鼓灘在城東一里多巨石春夏水漲響如鼓聲又下為碧灘弩灘思傷灘砍石灘皆最險者 思陵山在城西五里一名西陵有巖曰三清巖宋_國化初州守姚嗣宗常遊因名姚翁巖有泉曰湧泉即思陵水之源也 獅子岡在城西十五里以形似名

寶子嶺在城南三十里出五色石子如寶積然 鳳巢山在城西五十里下有龍潭 石鹿山紫荆山俱在城北五十里又西為羅影山 白石山在城南六十里兩峰並立下有巖洞通北流勾漏世傳葛洪常往來其間上有會仙巖磴道險峻而巖甚廣可容數十人有煉丹竈八仙石俱在獨秀峯側有泉曰漱玉始流微細鳴鍾鼓則泉湧出道書第二十一洞天有清真觀一名陽明觀內貯宋太宗御書 羅叢巖在縣西南六十里巖中明爽可容三百人內有碧虛洞由石穴而入通行平坦

屈曲約半里許出於巖東洞內有石佛石磬石獅石床相傳宋程明道正叔二夫子築臺讀書於此其下有靈源洞亦由石穴而入通行平坦其屈曲約一里出於巖西內有石羅漢象馬魚龍之屬

崑崙岡在城西七十里又西南為峻嶒嶺路極險峻雲合嶺在城南八十里危聳而秀雲合則兩

石梯山在城西一百里削直如梯路通容管

水表山在城東南頓嶺在城南俱一百二三十里

閻石山在城北一百六十里一作基石峰巒競

秀如列旌旗五代時狀元梁嵩讀書於此嵩平南

人永通峽在西北境大山夾江延袤數百里勢

極崎嶇搖蕩所出沒國朝都御史韓雍討平之

原名藤峽舊傳峽口有藤大如斗長數百丈連峽

而生公命斷之汁流水赤賦棠始空正德十二年

都御史陳金奏改今名鶴有勅賜永通峽五字于

石永通峽謠已見右江

平南縣在府東一百三十里

本漢猛陵縣地晉置武城縣劉宋改武林縣唐貞觀七年分置平南後自武林移龔州治此領陽川武林隋建大同四縣以益之宋以思明州之武郎

縣及大同等四縣省入紹興七年廢龔州以縣隸
潯州至今因之 按龔江在縣東南一名都泥水
西通邕宜二江東過藤梧入海縣有烏江白馬江
流注之唐龔州以此名 燕石山在縣東南十五
里圖經云每春夏群燕皆巢石頂唐以置燕州焉
遊魚洲在縣前大江中秋冬潭清水涸洲出如
魚遊形 潯水河在縣東南二十五里接大江上
有石鼓扣之清越 蛇黃岡在縣北四里岡勢嶮
紆出蛇黃每歲九月邑人掘深七八尺始得大如
雞子小如彈丸其色紫磨之可傳腫毒尤治小兒
兒驚癇 思鵝巖在縣西二十里石狀如八角樓
人有高陽巖與之對峙巖宇高曠前瞰平野相近
有胡叟巖又有暢巖其中石門石榻流泉飛出宛
如跳珠又二十里為西嶺宋守姚嗣宗詩并邑倦
炎酷西巖境獨清即此 藍峒山在縣南六十里
巖穴甚多其下有藍峒村上有石脚巖或云通勾
漏 維靈山在縣東南八十里九峰錯立下有深
潭 高陽巖在縣西北九十里內有宋治平中詩
刻以地勢高而句陽故名 廢思明州唐永隆初
之思唐州也後改思明後省入 廢武林縣在縣

之武林鄉劉宋置廢隋建縣在縣之建烏里隋時
置廢大同縣在縣之大同鄉廢陽州縣在縣之陽
川里俱唐時置前後省入 宋陶弼過思明詩幾
年來瘴外此夜宿溪中照枕殘鷄月吹燈落葉風
虛循猶偽國楊傑已哀翁起戴寒星去村前燒影
紅 五代梁嵩平南人劉龔白龍改元嵩舉進士
第一官至翰林學士見龔多虐政乞歸養因獻倚
門望子颯龔憐之聽其去贈遺不受但請齋本郡
丁賦有差郡人頌德立祠祀焉今縣東六十里白
馬廟相傳嵩嘗乘白馬遊東壕壚過渡偶沒于水
因祀之其說誕妄恐不足信 西事珥云程大中
珣皇祐間知龔州時孫歐希範為亂就誅忽傳其
神降當為我立祠眾信之迎其神於龔珣詣之皆
曰此者過潯潯守以為妖投之江中逆流而上守
懼乃更禮焉珣立使投之順流而下其妄乃息
徐攷晉書陶侃字士行潯陽人以忤王敦左遷廣
州刺史時王敦以王機為交州刺史杜弘據臨賀
連結溫邵及交州劉沈俱謀反侃擊杜弘破之執
劉沈於小桂又遣部將許高討機斬之太興初進
號平南將軍縣之名本此 平南三鄉邑雖眇百

姓相看貧不了鰲魚濇濇紫江流兩下分頭恨人少蓋元時人謠也

貴縣本府西一百四十里

輿地記云廢鬱林郡在貴縣西廢鬱林縣在貴縣東廢南尹州在貴縣南按當縣原為貴州唐貞觀八年改自南尹州者天寶元年又改為懷澤郡至乾元間始復宋孝宗時陞貴州防禦使我 國初改州為縣以鬱林縣省入 州城唐元和間刺史謝瞻因容管經略使楊文討賊駐此乃借兵夫發古塚磚以築城宋紹熙間署郡諱景先修之 按

鬱林即漢廣鬱縣也晉改鬱平宋開寶間改鬱林為州理注水經曰牂牁水又東經鬱林廣鬱縣為鬱小留水注之是矣 縣城南江即鬱江也縣南四里汎水江縣東龍山麓沙焉皆入焉又有寶江一名浮江自賓州來東津江自巡司前龍江分來橫肩江自鬱林州來綴江自興業縣來武恩江自博白縣來俱流注于鬱 鬱林郡故城吳鬱林守陸續所築治東北有谷公井相傳漢刺史谷永鑿也治東南有陸公井南漢乾和中刺史劉博古種橘于井傍又名橘井 縣南鬱江之傍有紫泉無

源偶現紫色輒符嘉應自是邑人每候以為祥縣西北有石井亦通大江水竭則歲荒因名司命井 廖家井在縣北塘中有石洲其上有一紫紅亭遺址 嘉魚井在縣西泉通江穴時出嘉魚又里許為南澗井東有卷石蘇軾大書南澗二字 又里許為東井怪石湧出水流石底又里許為謝公池以唐守謝離浚之而名 瑞松井宋孝子梁詔所居傍有甘露著松樹上後為廣東提刑幹官蘇軾南遷與詔相見詢知狀為著其亭曰甘露林曰瑞松其讀書處曰薰風 龍腹井在縣北二十里水深數尺攪之色濁汲之旋清禱雨輒應 湖水泉在縣西六十里其水盈涸不時或遇祈饗一日至三四十潮漢封其神為澄澗公唐設湖水縣於此至宋廢 南山在縣南十里有七星巖二十四峰峭拔奇秀中於一郡山中石室有石笋佛像龍田之屬有景祐寺宋咸平初嘗賜太宗御書凡二百二十軸藏於此 東山在縣東二十里峰巒秀特相傳唐時有何特進履光二人隱此山化為石今山頂有石狀如二人並峙西北一峰望之如婦人搭帔簪花俗呼新婦巖 北山在縣北二十里

上有瀑布千仞禪僧羽客多所棲止古經云周穆
王時山上有物相鬪頃之一女子號泣云吾乃神
也因金牛星驅雷電與山頂石池神物相鬪今神
物已化為石牛矣每旱殺牲取血和泥塗牛背以
臠肉塗牛口歌牧牛詩以樂之祀畢即雨泥盡乃
晴又十里為顯朝岡陸績為守嘗登之仍鑄渾天
儀於其上 西山在縣西三十里五峰並立山多
躑躅花 銀山在縣東北上有石函望之如銀俗
呼為仙函 龍影山在縣南唐莫休符風土記云
石壁上有五色彩画龍形 思巖山在縣南七十
里山中有居思娥者人入山恒見之不知名姓世
代問之則曰此山中人也人號之曰思巖異人山
多奇花果味與常別取而懷之輒迷不得出 龍
馬山在縣西七十里山多池其毒殺人用冷石
屑着瘡內即活俗傳有馬嘶及奔蹏聲主多疫癘
登仙崖在北路傍去縣七十里接神女嶺或
聞山上有宴樂聲則歲穰人安 馬嶺龍山皆見
唐書馬嶺一名馬度唐已前馬嶺縣設此龍山則
唐貴州懷澤郡下注云有龍山矣按唐書中山桓
彥範于中宗時反正有功為武三思所讒出瀛州

遣御史周利用往窮其事過於貴州遂被害則是
 時貴州尚未改懷澤郡也又有懷澤縣在縣南一
 百五十里亦唐時置宋廢今為懷澤驛 縣境有
 烏許夷巢居皆射翠貍毛剖蚌求珠以為業即漢
 營林太守谷永所招者今散處溪峒宋開寶中曹
 克明知邕管時宣州澄海軍校陳進反營江暴漲
 州城頽圯克明率丁夫伐木為連舫維之水上狀
 如郭郭又多設旗幟浮巨筏陳兵其上為守禦募
 谿洞兵三千與安撫使曹利用行次貴州遇賊大
 破之徙宜融等十州都巡檢使 三江城處潯上

流鬱江水滙於此太宗伯蕭雲舉碑略曰三江故
 盜虛陽羨何公備兵分守謂宜縮穀其口於是城
 之不三月而告成行營戍室官兵各所戟門身衛
 翼翼堂堂賊徒屏息民用安固公旋擢京師中丞
 撫茲嶺石啓績寔自潯始